

Írta: Administrator

2013. július 17. szerda, 09:37 -

---

Alija Krasnici agoril piro romano alavari ano dialketi arli thaj gurbeti, 70 000 neve alava. Po agor e chonesko juni, ikljol angluno romano - serbikano alavri 70 000 alavenga ani Srbija ano than e Subotica. Vov si kerdo kotar o Alija Karsnici romano zurnalisti thaj poeti. Dumo te ikljol o alavri dla e lokalno komunalno regeingo ani Subotica von dlje 190.000 dinara save kerent dji ke 20.000 krune. Sar Ijljape te kerol akija buchi thaj thaj kober lungo vrama Ijlja te agoril o alavari, thaj save pharipenca arakhlapecake so vorbil ameneg ando Radio Romano.

Alija Krsanici si lingvsti, romano zurnalisti thaj poeti. 42 bersh hramol pe romani chib, pustika-(kevnje), paramicha, poezia, Ijila thaj javer, sa akava kerol pa e dialektia gurbeti thaj arli kotar o Balkan ja se e purani Jugoslavia.

37 bersh kerda buchi, rodipe te arakhel e romane alava-vorbe thaj akana ikljilo ljesko romano alavari pe serbikani chib ja se kotar e serbikani ke romani chib ane dialektia gurbeti thaj arli saven ka avol 70.000 alava pe akala dialektia.

Vov si jekh rom savo avol kotar o Kosovo numa palo maripe savo sas andi purani Jugoslavia avdive vov trail thaj kerol buchi ani upruni Srbija ando foro Subotica.

Ashun: <http://sverigesradio.se/sida/gruppsida.aspx?programid=2122&grupp=12852&artikel=5575280>

(*Radio Romano*)